

金石萃編

金石萃編卷六十九

賜進士出身 誥授光祿大夫刑部右侍郎加七級王昶撰

唐二十九

蘇瓌碑

碑連額高一丈二尺六寸廣四尺七寸六分二十八  
行行六十字隸書額題唐故司空文貞公蘇府君之  
碑十二字篆書在武功縣

唐故尚書左僕射太子少傅贈司空荊州大都督蘇文

貞公神道碑

范陽張說撰銘

盧藏用撰序并書

維唐景雲元年歲在庚戌十一月己巳太子少傅許國

蘇公薨于崇仁里之私第春秋七十有二嗚呼哀哉粵

明年三月己酉制葬我公于武功之先塋禮也公諱

環字昌容京兆武功人其先直自帝高陽襲爵日黎寬

勳火正逮昆吾之子始封於蘇以國受氏公其後也暨

漢平陵侯子建安侍中嘉魏侍中則晉尚書遜口聯華

國圖代載明德公高祖周度支尚書邳國公諱綽立言

成務垂於後昆公曾祖隨尚書右僕射開府儀同三司

邳國公諱威嘉譽成績懿于當代大父隨尚書職方郎

鴻臚卿諱夔理綜羣品識羣衆妙烈考秘書丞池台二

州刺史口岐州刺史諱直遊藝聚學素風不限公系上

聖之遐緒鍾盛德之泉茂資元和以體仁穌清明以成

美初孩而孤稟絳郡夫人之慈訓幼而岐嶷聰敏冠常

好讀山棲志一覽便誦及長博緯經文尤善屬詞年十

八進士高第補寧州叅軍轉恒州司憲丁絳郡夫人憂

自中山涉襄既從至京兆哭不絕聲性以禮危形以哀

瘠左庶子張大安以孝悌上聞服闋拜恭陵丞轉相府

錄事叅軍上改封豫官亦隨府上卽帝位拜朝散

大夫尚書水部員外郎未幾兼侍御史淮南廉按俄拜

夏官員外兼官尹丞歷水部祠部郎中兼判司禮事以

親聯出爲朗州刺史轉欽州刺史并州武興令檢校冀

州刺史累遷汾

縣同汴揚陝以

累最入爲

尚書右丞加

銀青光祿大夫遷尚書左丞戶部尚書又拜侍中京師

畱守兼理冤滯

車駕還京持節河北按撫加金紫光

祿大夫轉吏部尚書東都畱守尋復還守本職廷拜尚

書右僕射同中書門下三品封許國公監修國史 今

上踐祚拜尚書左僕射屢亢詞乞骸優荅不許拜太子

少傅公有子七人長子頴字庭碩歷給事中中書舍人

修文館學士太常少卿口掌

綸誥與公聯侍紫墀接

機黃閣前後之拜近古未有公體道貞固立心簡直多

識前言

通

詳舊事自周隨損益家牒可紀公則紹之罔

不畢綜故閨門之內孝悌成則朋友之閒忠信亨舉其

在叅佐也婉變柔嘉醜夷不爭其事潛邸也從容

諷議

實僚

是仰四爲郎而彌綸之功布于省閤九爲牧而循

良之績著于州郡周旋二

轄

煒燿文昌迴翔兩宮輝鑠

嚴廟叛圖

圖

之信而五教在寬蒙

宰人

之紀而

九流式

叙

左右端揆盡訏

謀

之略東西掖闕備忠讜之美德逾

盛而心益下位彌大而行益恭用能高而不危長守富

貴考父三命謙光以朝平仲一心中孚累

聖

非至德淑

慎疇至此哉夫

其

仁恕

篤

密清廉簡惠躬儉約以自持

蹈名教以檢物祿以周急不積於家財以睦親必均於

衆故義廣而私謁之途阻名揚而兼濟之道宣亦叔敖

之賢國僑之懿也幾深通志精暗默識文以踰實靡徇

其華學以辯微固信於己故始終機揆舉無遺策斯又

子房之智孔明之能也造際沃心務存匡救引過稱善

不近於名故聲聞于天而口無擇績宣於外而事罔專

蓋村予之仁孔光之慎也兼斯衆善以會明德方將三

階載理前官更曜天命不祐奄忽遷殂朝喪其楨人殞

所載天子悼焉遣太府卿李從遠持書弔祭輟朝三

日有司備禮發哀追贈司空荊州大都督賻絹布八百

段東米八百石凶事葬事立官給賜東園秘器大鴻臚  
監護將作立碑太常考行謚曰文貞禮也 皇太子別  
次發哀遣洗馬弔祭賻物二百 段祖載之日□□□官  
□□千開遠門外別遣左常侍徐□宣 旨送于郊口  
令遣洗馬如初禮官臣已下畢赴朱旂載路班劍敢行  
哀榮之禮備矣諸侯之孝終矣公 家代尚儉 載在 兼竹  
其生也堂無宴客門無立嬪其終也塋無樹隧無碑表  
大漸之始還令遵行公卿暨親戚朋弔祭一無所受  
周身之外唯口車一乘 類等泣血受命罔 有踰越雖迫

朝旨不 旌墳塋建碑於塋北一十五里故臨大節而



不奪見大義而能勇經緯之迹文藝之行備于國章布  
在人口慙違先訓皆略而不書中書侍郎同中書門下  
平章事口文館學士兼修國史皇太子侍讀范陽張說  
雅俗之鎮具瞻令德文章之雄談者爲措偉公道德之  
首徵猷可刊石紀頌詞如清風其辭曰

斤斤蘇公體正含道秉靈淳粹爲唐元老忠以衛主孝  
以立身文以經國惠以安人司牧九郡九郡惟靜平章

百工百工爰整千載典憲三朝綱領上繼先人五代相

國下垂餘慶七子令德帝謂庭碩伊公是似接待玉

埤序拜金甌聯華疊潤佐我天子於歲彼蒼國餘云七

地類五嶽天  
圻三光備禮  
誌  
葬羣官  
倉喪掌史司德刊

銘路旁

關西道雍州武功縣蘇許公墓在縣西一十里蘇村

神道碑存

太平寰宇記

蘇許公瓌武功人景雲元年十一月葬于武功碑隸

書剝蝕過半存者才十三書法猶有漢魏遺意金石

略云盧藏用書而金石錄云藏用撰書攷文苑英華

藏用撰序張說撰銘今碑后猶有范陽張說字鄭趙

二公未見耶

石星鎬華

碑已漫滅存八百餘字金石文字記云盧藏用序并

八分書張說銘景雲元年十一月石墨鏤華云碑後

有范陽張說字今碑中猶隱隱可讀

雍州金石記

碑文與唐書本傳並合惟神龍初爲尚書右丞後曾

封懷縣男碑不及之耳

關中金石記

右司空蘇瓌碑首行漫漶篆額十二字特完好其文

云維唐景雲元年歲在庚戌太子少傅許國蘇公薨

于崇仁里之私第粵明年三月己酉葬我公于武功

之先塋趙德甫金石錄題爲景雲元年十一月蓋未

檢其全文也文苑英華曾載此文以石文校之頗多

異同如曾祖隋尚書右僕射開府儀同三司雍州牧

諱威石刻作邳國公不作雍州牧大父隋職方郎中  
石刻無中字攷隋文帝父諱忠故改中書爲內史諸  
曹郎皆去中字不當稱郎中蘇威亦未爲雍州牧皆  
石本之可信者又碑稱中書侍郎同中書門下平章  
事范陽張公石刻平章事之下又有昭文館學士兼  
修國史皇太子侍讀十四字攷唐史中宗朝張說以  
兵部侍郎兼修文館學士至是爲宰相仍領學士昭  
文館卽修文改名也宰相世系表蘇氏魏都亭剛侯  
則第三子遁八世孫綽此碑述其先世有魏侍中則  
晉尚書遞遞與遁古字通碑稱瓌有子七人銘詞亦

金石錄卷之二十一  
有七子令德之語今攷世系表止有六人蓋史之漏  
潛研堂金石文跋尾

按此碑文約千五百餘字存者千二百餘字較石  
墨鐫華云存者才十三固已倍其二卽雍州金石  
記云存八百餘字亦增多三之一也銘序二人分  
撰而張說撰銘則署里貫曰范陽盧藏用撰序并  
書而不自署其貫至張說官階藏用詳載序中而  
藏用歷官亦不自署以傳考之乃幽州范陽人景  
龍中爲吏部侍郎又遷黃門侍郎兼昭文館學士  
轉工部侍郎尙書右丞也又碑有額而不題篆者

姓名文首叙卒葬年月而後述公之諱字先世及  
生平事實皆例之別者也文有云粵明年三月己  
酉葬我公于武功之先塋今揭本已泐諸家皆未  
見惟潛研堂跋有之文云先世自帝高陽下始封  
于蘇以國受氏唐書宰相世系表蘇氏出自己姓  
顓頊裔孫昆吾之子封於蘇其地鄴西蘇城是也  
通志氏族畧亦同按黃帝有熊氏姓公孫長于姬  
水又以姬爲姓子名摯姓己是爲少昊金天氏其  
弟昌意生子曰顓頊高陽氏姓姬今碑云自帝高  
陽則當云出自姬姓若出自己姓則當自帝少昊

金石錄卷之二十一

矣至碑云以國受氏而氏族畧列于以邑爲氏條

下想國與邑亦可通稱也碑云建安侍中嘉魏侍

中則晉尚書遜聯華國圖代載明德世系表漢代

郡太守建自武功杜陵徙扶風平陵三子長子嘉

官奉車都尉碑作侍中六世孫南陽太守中陵鄉侯純

生章官并州刺史章五世孫魏東平相碑作侍中都亭

剛侯則四子第三子遁碑作尚書八世孫綽周度支

尚書邳公碑作司馬生威隋左僕射房公碑作尚書右僕射開府儀同三

司馬此碑與表之五異者也嘉後漢書無傳則三

國魏書有傳字文師起家爲酒泉太守轉安定武

都通河西道徙爲金城太守文帝時加護羌尉賜  
爵關內侯河西平還金城進封都亭侯徵拜侍中  
黃初四年左遷東平相未至薨諡曰剛侯是表載  
最後之官碑則紀身任之職也逕晉書無傳高祖  
綽周書傳字令綽周太祖召爲行臺郎中除著作  
佐郎拜大行臺左丞大統四年加衛將軍右光祿  
大夫封美陽子加通直散騎常侍進爵爲伯十年  
授大行臺度支尚書領著作兼司農卿十二年卒  
于位子威嗣襲爵美陽伯隋開皇初追封邳國公  
曾祖威隋書傳字無畏周太祖時襲爵美陽縣公



周書伯仕郡功曹授使持節車騎大將軍儀同三司

改封懷遠縣公武帝拜稍伯下大夫宣帝嗣位就

拜開府隋高祖受禪徵拜太子少保追贈其父爲

邳國公以威襲焉兼納言民部尚書兼大理卿京

兆尹御史大夫拜刑部尚書京兆尹廢檢校雍州

別駕遷吏部尚書兼領國子祭酒拜尚書右僕射

坐朋黨事免官爵歲餘復爵邳公使突厥以勤勞

進位大將軍仁壽初復拜尚書右僕射煬帝嗣位

累進光祿大夫賜爵寧陵侯進封房公後除名爲

民碑稱邳國公者是襲其父追封爵表作左僕射

而云房公者是用其最後之封若文苑英華作雍  
州牧摺傳惟于高祖時曾檢校雍州別駕未嘗爲  
牧且逾年已久矣大父夔隋書附威傳字伯尼起  
家太子通事舍人煬帝嗣位遷太子洗馬歷尚書  
職方郎拜朝散大夫鴻臚少卿進位通議大夫父  
直無傳碑云池台二州刺史岐州刺史唐世系表  
則但云台州刺史也瓌兩唐書有傳碑與傳之不  
同者如舊傳云父勗貞觀中台州刺史新傳碑則  
云烈考諱直新書世系表變長子勗官吏部侍郎  
駙馬都尉次子直台州刺史瓌實直之子非勗之

子也新傳云瓌擢進士第補恒州參軍舊傳碑則無

云年十八進士高第補寧州參軍轉恒州司憲新

傳云居母喪左庶子張大安表舉孝悌與碑同擢舊傳無

豫王府錄事參軍碑則云丁絳郡夫人憂服闋拜

恭陵丞兩傳無恭陵者高宗太子宏孝敬皇

相府錄事參軍上改封豫官亦隨府睿宗紀始封

殷王徙封豫王又封冀王累遷右金吾衛大將軍

洛州牧徙封相王復封豫王碑故叙瓌官田相改

讓也碑云上卽帝位神宗拜朝散大夫尚書水部

員外郎闕三侍御史闕五拜夏官員外兼官尹丞

歷水部祠部郎中兼判司禮事以上兩傳俱無以親聯出

為朗州刺史轉欽州刺史并州武興令檢校冀州

刺史累遷汾口口汴口陝以四字新傳但云歷朗

欽二州刺史舊傳無久之轉揚州大都督府長史舊傳

同徙同州刺史奏宿衛兵月賜增半糧却進獻罷

營造罷十道使括亡戶罷浮圖廟塔諸役費武后

善其言已上舊傳與碑俱無碑云尚書右丞兩傳云神龍初

封懷縣男碑與舊傳俱無加銀青光祿大夫舊傳同遷尚書左

丞兩傳俱無戶部尚書又拜侍中兩傳同舊傳此下

新傳俱無京師畱守兼理冤滯兩傳有收勢車駕還京

此指中持節河北按撫加金紫光祿大夫兩傳轉

吏部尚書東都留守新傳無舊傳云遷吏部尚

皆無進尋復還守本職廷拜尚書右僕射同中書

門下三品封許國公兩傳俱有舊傳監修國史舊

云是歲六月與唐休璟今上踐祚此指拜尚書左

僕射兩傳乞骸拜太子少傅兩傳俱云凡此皆碑

與兩史傳彼此詳畧及叙次不同者也長安志崇

仁坊東門之北尚書左僕射許國公蘇瓌宅注云

沅案盧藏用撰神道碑序云瓌終崇仁里第卽謂

此碑序也今檢序無此語必在首行泐文中畢尚

書校刻長安志時及見此數字也文後云建碑于  
塋北一十五里詳玩此語知其墳塋北向而碑建  
十五里外則神道亦甚遠矣當時公卿墓制史無  
專條亦想見西北地多間曠故墓域能如是之寬  
也

蕭思亮墓志

石方廣二尺三寸七分二十六  
分行二十六字正書在長安縣

唐故朝議郎行雍州長安縣丞上柱國蕭府君墓誌銘  
并序

中大夫行薛王友顏惟貞撰

君諱思亮字孔明蘭陵人也公侯慶緒鍾鼎華宗遠則  
文終翼漢口侔於二八近則武皇祚梁業光乎三五英  
賢繼踵管絃駢輝詳乎史諫可略言矣曾祖翹梁貞毅  
將軍郢州刺史新興侯祖季符 皇朝尚食奉御員外  
散騎常侍贈光祿卿洪郛等八州諸軍事洪州刺史武  
昌縣開國公竝才兼文武秩榮中外郢中歌雪畫隼翻  
旗騎省連雲豐貂曜冕象河咨嶽禮備於飾終列爵疏  
封寵隆於利建父溫恭修文館學生渝州司功叅軍事  
譽光贊序位屈巴賓未騁高衢先摧逸足君資靈上善  
稟粹中和言爲士則行成物範張華雅思揆奇藻於鶴

鵠終軍治聞標敏識於鼯鼠好學不倦綜涉羣言手白  
繕寫盈於簡素解褐補益州金堂縣尉歷雍州同官縣  
尉武功主簿軋封縣尉長安主簿歲滿爲丞再歷畿甸  
三遷京邑職事填委剖之如決流爭訟紛拏鑒之若懸  
鏡嗟乎道長運促時亨命屯未施構厦之材俄軋奠楹  
之夢以景雲二年歲次丁亥正月卅日終於京崇化里  
第春秋六十有七嗚呼哀哉卽以其年二月景子朔十  
五日庚寅遷窆于神和原禮也夫人譙郡熊氏故左金  
吾將軍元逸之女柔婉成性言容具美以景龍二年九  
月十三日寢疾而終嗚呼哀哉龍門之桐始半生而半



死襄城之劍竟先沉而後沉同穴有歸雙魂是耐嗣子  
悲孔門之鯉幼卽聞詩楊氏之烏童而擬易未極庭闈  
之養遽經岬蛄之悲擗厚地而崩心訴高穹而泣血期  
我以先執託我以斯文僕也不才義深寮舊追感平昔  
承驗無從敬述芳猷誌于幽隧銘曰

靈鳥降祥克生于商枝分葉散源濬流長載誕明哲如  
珪如璋夷險共親寵辱齊忘文含綺績學富縑緗竭來  
舉位其道弥光孰云與善奄歎歲良馬駟開隧龜謀允  
臧松門蒿里兮綬雙魂於此地春蘭秋菊兮歷萬口而  
逾芳

右諸題云中大夫行薛王友顏惟貞撰而無書人姓名又云君諱思亮字孔明祖父皆仕于隋唐爲顯官以景雲二年二月葬按顏氏家廟碑魯公之父名惟貞字叔堅受筆法于舅殷仲容氏以草隸擅名此碑字畫工緻當爲惟貞書也惟貞書武承規墓誌與此碑相似碑近出西安府城南神和原土中

金石錄補

右雍州長安縣丞蕭思亮墓誌文云景雲二年歲次丁亥攷是年乃辛亥書者之誤也思亮曾祖翹梁貞毅將軍郢州刺史新興侯梁書南史俱不載其爲梁宗室與否不可攷矣文猶沿唐初駢偶之習有云孔

門之鯉幼卽聞詩楊氏之烏童而擬易屬對殊可喜

也

潛研堂金石文跋尾

唐時墓志篆蓋皆缺此獨存

關中金石記

按撰文者行薛王友顏惟貞唐書三宗諸子傳睿宗第五子惠宣太子業始王趙降封中山授都水使者徙彭城兼陳州別駕進王薛爲羽林大將軍荊州大都督以好學授秘書監開元初進太子少保此碑立于景雲二年在開元以前是初王薛時顏惟貞爲之友也蕭思亮遷客於神和原長安縣子午谷有神禾原說已詳法苑碑此作神和或當

時永和通稱也

獨孤仁政碑

碑連額高六尺五寸二分廣三尺三寸八分三十四  
行行四十八字正書額題大唐故上護軍獨孤府君  
之碑篆書十二字今  
在孟縣學忠義祠

大唐故朝議郎行兗州都督府方與縣令上護軍獨孤

府君之碑銘并序

□□劉待價撰

聞夫軋蓋上闢星緯分其纏舍坤輿下蟠河岳裂其封  
域是以觀象體物建百里之庶邦敦俗牧人置千石之  
多士則有威齊風雨稱明鏡於當時德洽絃歌号顯龜

於後業其有繼美宣化教肅刑清作根本於

殿

廊爲喉命於黔庶休明一代映徹九泉歷選徵塵歸獨  
孤府君矣

公諱仁政字仁政河南洛陽人也本姓劉氏導擾龍之  
巨源長河不竭䟽斷馳之曾岫連岳無窮屬逐鹿於中  
原乃避時於北漢因山易姓以氣雄邊及魏室之鬱興  
服袞論道遷周邦而扈從衣錦還鄉吐奔棊而增冒朝  
盈紫綬簪本枝而逾懋郡接朱轡茵藹紛綸可略而述  
高祖末業齊中書舍人南道行臺右丞洛州刺史遷左  
丞加散騎常侍儀同三司特進行臺左僕射封夏州啟

寧縣開國公武安郡開國公廣州德廣郡開國公西平  
郡開國公瀘州章武郡開國公彭城郡開國公各食邑  
二千戶賜鼓吹一部絹布各二千疋錢卅万俸口三百  
餘人馬五十疋轉七兵尚書兼吏部尚書入周拜司徒  
公行臺尚書令開臨川王大司寇少右弼諡曰貞佩金  
章於黃閣綰盤綬於玳筵內助理於萬機外佐平於百  
揆奇籌獨運戶邑光於六封雅樂相喧鼓吹標於四錫  
曾祖子佳周柱國直閤將軍武安郡開國公華州刺史  
儀同三司隨大將軍涇州刺史應國公拜壇虎將祠黃  
石以傳書刺郡神君褰赤帷而察俗賞茅土於輿壤以

荅元功進僕服於太階還尊慈德祖義恭隨京北郡富

平縣令唐

秦王府倉曹參軍事荆王府長史右衛

郎將左衛中郎將左監門率溫汾歸婺四州諸軍事婺

州刺史上柱國高平縣開國侯

兼

容朱邱陪文雅之良

遊巡警

紫微鷹爪牙之重任百城宣化得賈父之

能名五等開封獲通侯之美稱父士贊唐繼文生

文德皇后挽郎虞庠之胄必擇士林楚挽之郎寔資門

蔭選授霍王府戶曹參軍事密王府兵曹參軍事原州

都督府戶曹參軍事轉汴州尉氏縣令遷坊州郿城縣

令上騎都尉行丹州司馬襲爵高平縣開國侯蔣府端

晉聞爲善之取樂列曹從務佐激濁以增清叔孝擒奸  
智窮於耳粟伯鸞薦士語重於司金孫氏襲侯尚食漢  
閒之地謝庭蘊玉還光席上之珍惟公騰秀二儀降精  
五緯當年對日綺歲叅輿成千里之權竒望雲驤首刷  
五色之毛羽抱義賓王起家 皇朝左勲衛左金吾

引駕出警入蹕統式道之朱麾夜傲朝巡司禦戎之金  
革解褐思州司倉叅軍事像水之平法絃之直遊刃盈  
庭之訟發蒙列局之疑掌十二之人天致菽粟之流衍  
改授宣州溧陽縣丞南服水鄉北升星分吳越雜錯土  
吏剽輕公贊銅章以化人持水鏡而照物季俗爲之懲



革淳風由是興行轉朝議郎上護軍行兗州都督府方  
與縣令法三異之化振百里之雷敦礼義以教人薄聚  
斂以富俗女修織祗不下三齊男務耕耘還登九穀推  
埋止息桴鼓於是稀鳴囂囂室虛閒牘以之無事既而  
焦延罷職上書願畱劉寵去官攀轅而送方同胡紹專  
城之任克遷遽等宣尼倚戶之吟斯作以景龍二年三  
月廿九日邁疾卒於河內郡之私第春秋七十有七士  
老衣冠道亡僞墨德音何在恨九言之不追魂氣何之  
痛百身之無贖惟公抱素懷璞蹈孝履忠蘊智成囊含  
明作鏡啟三白之虛室汎登仙之桂舟酌其流而漱淺

深庇其宇而忘寒暑傷林單月武庫驚雷六義分落錦  
之篇八體下崩雲之陣阮公琴酒情盤脩竹之間尸子  
登臨神王長松之下清門赴吊無雜号之賓儉室奉終  
靡一金之產可謂至德君子人之楨幹者也以景雲二  
年歲次辛亥二月景子朔廿七日壬寅遷之于洛州河  
陽西北韓城鄉龍臺里之平原禮也馬啟滕城鳥飛揚  
墓晚風含怨託松栢以揚聲斜日絳愁向煙雲而沮色  
嗣子宗業隆堂構孝恆天經攀翠栢以長悲奉尊醪而  
永慕想壽成之祖德遂述家風鑒陳寔之貞碑爰題翠  
碧庶陵移谷變竹帛非堅而懿德嘉聲乾坤等固其詞

曰

樓瀧疏派斷馳分族遇亂中原避時北服回山易姓待

時干祿

其一

北魏稱帝佐命爲臣爰從鳳躍式返雞津祚

茅食采華轂朱輪

其二

踵德誕美韶姿令器渾金璞玉霜

鶴雲驥論起談天詞成擲地

其三

振翼鳳亢統武兵櫛擗

載侍

帝綰綬除官霜凝吏道花飛筆端

其四

一同莅

俗五美興化剝劫懲奸嗤眩息詐女修簪續男務耕稼

其五攝官稱謝華轂告歸佇遷高木奄落斜暉昊天不憖

其六

相彼青雉啟茲羣室縞駟發軔丹旒戢日

與吾何違

其七

相彼青雉啟茲羣室縞駟發軔丹旒戢日

九原不返千秋永畢

其八

賜人悲而結惜吊鶴思而氤氲

蓬輝直珠之露松輝儼王之雲爰勒銘於磐石以作固  
於清氛其

吏部常選盛農劉珉書

襄陵賈行表銘

右獨孤府君碑額字陰文凸起三行篆書文序其家  
世特詳其云高祖末業者北史及北齊書皆有傳謂  
其本姓劉中山人隨母改適獨孤氏遂從其姓今按  
碑中所云導授龍之巨源疏斷虵之曾岫逐鹿中原  
避時北漠因山易姓以氣雄邊者則俱指獨孤末業  
之先世出於劉氏者而言非謂末業之身之出於劉

氏者也按唐書宰相世系表載獨孤世系所稱易姓  
之由略與碑應而於末業之父冀不言末業爲其身  
生與否又按唐獨孤及自作其父通理墓碑所稱易  
姓之由亦與世系表大同小異而就其中所云歸生  
冀冀生末業者觀之則末業并非隨母冒姓之謂矣  
又北史及北齊書載末業生平歷官與碑詳略互見  
不必深論唯稱末業在齊時封臨川郡王與獨孤通  
理墓碑所稱亦同而此碑則謂入周冊臨川郡王與  
獨孤世系表所載冀周司徒臨川郡王者又同其間  
彼此互異良由世代久遠俱難意斷又獨孤及以一

代文伯自序其先世封爵而其中亦別有失於考据者其碑內所稱先世略云獨孤之先出自劉氏後漢世祖光武皇帝之裔世祖生沛獻王輔輔生鼂鼂生定定生節節生丐丐生長子廣嗣王位少子廙爲洛陽令廙生穆穆生進伯爲度遼將軍擊匈奴兵少援不至戰敗爲單于所獲遷居獨孤山下生尸利單于加以谷蠡王之位號獨孤部尸利生烏和烏和生二子長曰去卑爲左賢王建安中李郭之亂左賢王率其部衛帝自長安還洛後歸國卒次弟猛代立生富論富論生路孤路孤生眷眷生羅辰從魏孝文帝遷

都洛陽始以獨孤部爲氏爵永安公定州刺史生萬  
齡官至廷尉萬齡生稽又官廷尉爲鎮東將軍稽生  
歸又爲鎮東生冀官至征南將軍定州刺史贈司徒  
生永業卽通理之高祖云云而唐書獨孤世系表則  
云漢世祖生沛獻王輔輔生釐王定以釐爲定謚但  
爲一人又云定生節王丐節又丐謚但爲一人是又  
彼此互異及考後漢書光武十王列傳內載沛獻王  
輔薨子釐王定嗣定薨子節王正嗣正薨子孝王廣  
嗣則通理碑與唐書世系表以正爲丐者固字體小  
誤而通理碑以二人爲四人者誠誤矣且其間尤有

錯誤足以自累其世系而并以累人之世系者則通  
理碑中所言以去卑爲烏和之長子劉猛之兄者按  
唐書獨孤世系表亦謂去卑爲烏和之長子劉猛之  
兄烏和卽烏孫和蓋孫字之誤此又不必論但論去  
卑非烏和之長子亦并非劉猛之兄而已今按魏書  
鐵弗劉虎傳云虎爲南單于之苗裔左賢王去卑之  
孫北部劉猛之從子魏興晉并州刺史劉琨合討之  
虎走歸劉聰聰以其宗室拜安北將軍云云又按晉  
書劉元海傳述其先世爲冒頓之後以母爲漢高祖  
宗女遂冒姓劉氏觀其初立國時所下國中令可



見聰爲元海之子以劉虎爲宗室則虎之祖去卑其  
爲冒頓之裔甚明今獨孤通理墓碑與唐書獨孤世  
系表并謂劉去卑與劉猛同父是不將使人疑劉猛  
之亦出於冒頓卽獨孤亦出於冒頓之後而此碑亦  
誤耶今試仍卽魏書劉虎傳所云虎爲去卑之孫而  
猛之從子者推之則去卑之視猛猶猛之視虎皆從  
子耳何兄弟耶故二人旣尙非兄弟况於同父卽魏  
書所謂從子者亦當爲同姓不宗之從子耳竊以爲  
劉猛自當出於進伯之後下開獨孤末業獨孤仁政  
獨孤通理之屬去卑當爲冒頓之後下開劉廋仁與

劉虎及其孫劉務桓劉衛辰以至於赫連勃勃之屬  
分爲二派則按之晉魏諸史庶皆兩無所妨而如獨  
孤通理墓碑以及唐書獨孤世系表皆難專據者猶  
不若梁肅作獨孤及之弟獨孤正墓誌銘謂其出自  
進伯因部易姓隨云其後有羅辰臨川王永業渾而  
言之與此碑之略舉大意者皆不以去卑闡入之爲  
愈也且唐書於獨孤世系既以劉去卑闡入爲劉猛  
之兄而於河南劉氏世系表更謂河南劉氏本出匈  
奴之族漢高祖以宗女妻冒頓其族貴者皆從母姓  
因改爲劉氏左賢王去卑裔孫庫仁南部大人婁江

將軍弟眷生羅辰爲定州刺史其後徙居河南羅辰  
五世孫仕雋卽宰相崇望之十代祖云夫謂去卑之  
出自冒頓則誠當矣而謂其裔孫庫仁卽劉眷之兄  
故劉眷之後皆冒頓之裔此甚非也去卑與劉猛不  
同所自出則庫仁安得謂劉眷爲弟哉卽以弟言亦  
不過同姓不宗之弟耳而遽謂其子孫皆冒頓之後  
可乎夫以劉去卑一人而於獨孤世系表則謂爲劉  
進伯之裔於河南劉氏表則又謂冒頓之裔以劉眷  
一人於獨孤世系表則謂爲劉猛之孫出自進伯於  
河南劉氏表則謂爲劉庫仁之弟出自冒頓一人而

二本始分而未合其自相矛盾多所牴牾如此其謂之何今按去卑之孫卽上所謂劉庫仁及劉虎並其孫劉務桓等當爲冒頓後裔一族而初不必以劉眷之後又爲河南劉氏者上冒之蓋河南劉氏與獨孤同出自劉眷卽同出自劉進伯者卽如此碑書撰皆劉姓而又皆宏農人當卽所云河南劉氏之派此亦可見其與獨孤甚親其言獨孤先世無異自言故能詳悉若此是可卽此碑書撰人之於獨孤有關合者以并正唐書世系表謂河南劉氏出自冒頓之誤焉又獨孤世系表於末業父冀官爵下載其謚法而於

末業官爵下不載謚法又北史及北齊書本傳但稱  
末業後爲崔彥穆所殺壹似不應得謚者而碑乃有  
謚曰貞之文茲考周書崔彥穆傳謂彥穆爲行軍總  
管討司馬消難軍次荊州彥穆疑荊州總管獨孤求  
業有異志遂收而戮之頃之末業家自理得雪彥穆  
坐除名云云卽北史崔彥穆傳亦略同據此則末業  
之戮乃但出於彥穆之疑而碑所言謚曰貞者必其  
家自理得雪後所予之謚是又可以補世系表及本  
傳不載其謚之缺焉至表所載末業子子佳隋淮州  
刺史武安公者按隋書地理志無淮州唯南海郡有

含洿縣註云梁置衡州陽山郡平陳州改洿州廢郡  
二十年州廢今碑云曾祖子佳隋大將軍洿州刺史  
者正與隋書地理志相應乃洿州尚未廢爲含洿縣  
之時而正可以訂以洿爲淮之誤又表謂子佳爲武  
安公者亦指隋言今按碑載子佳在周爲武安郡開  
國公在隋爲應國公亦當以碑爲正又世系表於子  
佳之子義恭名下略不載其官爵而於其族人爲主  
簿都尉叅軍之類皆載之今按碑所載義恭在唐歷  
官至溫汾歸婺四州諸軍事婺州刺史高平縣侯其  
官爵尤不當略是宜據以補世系之缺至義恭之子

士贊卽仁政之父與仁政之子宗其名字官爵世系表皆缺載是尤宜據碑補入者也蓋唐書之闕誤見於吳縝新唐書糾謬者至多而其可據此碑而補正又旁及他史者亦不一而足焉 碑并螭首高五尺四寸廣二尺二寸初聞耕出都無一字後郡學生劉世俊自請往訪始知其字在下方而出之碑甚完好無缺其文旣深美希風徐庾而書亦隱秀具體六朝蓋兼得歐虞之意又尚不染唐人間架觚稜未習懸而視之始知其妙爾頃搜訪孟地碑碣所錄魏志諸刻殊稱佳妙而此碑在唐刻中尤爲不易得者其理

沒已千餘年一旦復覩豈非快事然非劉生請行亦未必得也茲遂爲移置縣學云

孟縣志

### 景龍觀鐘銘

銘高二尺五寸八分廣二尺九寸四分共十八行行十七字正書在西安府城臬署旁

原夫一氣疑真含紫虛而構極三清韞秘控碧落而崇因雖大道無爲濟物歸于善貸而妙門有教滅咎在於希聲景龍觀者

中宗孝和皇帝之所造也曾城

寫質闢苑圖形但名在壽林而韻停鐘簾朕翹情八素締想九元命彼鼓延鑄斯無舛考虞倕之懿瀍得晉曠之宏規廣召鯨王遠徵鳧匠耶溪集寶麗壑收珍警風



雨之辰節昏明之候飛廉扇炭屏翳營壺翥鶴呈姿蹲  
熊發狀角而京震侈而克揚度其曉散靈音鎮入鵙鸞  
之殿夕騰仙韻恒流鵙鸞之闌聾俗聽而成痊迷方聞  
而永悟洪鈞式啟寶字攸鐫其銘曰

紫宸御廡青元樹因傾巖集寶竭府收珍杜夔律應張  
永規陳形包九孔儀韶萬鈞上資七廟傍延地人風嚴  
韻急霜重音新自茲千歲從今億春懸玉京而薦福侶  
銅史而司辰

景雲二年太歲辛亥金九月癸酉金朔一十五日丁  
亥土鐫成

景龍觀者中宗所作景雲二年睿宗爲之鑄鐘製銘也字正音而稍兼篆隸奇偉可觀鐘今在西安府城

鐘樓

石屋  
精華

景龍觀鐘銘睿宗御書初唐人作字尚有八分遺意正書之中往往雜出篆體無論歐虞諸子卽睿宗書亦如此猶之初唐律詩稍似古風平仄不盡穩順開元以後書法日盛而古意遂亡遂以篆楷爲必不相通分爲兩部然而蚩之从虫出之从巳黎之从勿薛之从自虛之从业鼎之从析出益之从橫出此皆見行於今代者而不察其爲篆也詩篇書法日以圓熟

而俗筆生焉亦世道升降之一端矣

金石文  
字記

景龍觀唐中宗所起睿宗復爲煉銅鑄鐘而銘之今在西安鐘樓余曾手摩其文書復古雅拙樸其源出自興和年李仲璇修孔子廟碑劑之以雅故勝余收金石文數百種除彝器款識惟此爲金耳

金石  
史

右銅鐘銘真跡十八行銘每行十七字鑄銘處高一尺八寸濶二尺鐘高八尺圍一丈五尺在西安府鐘

樓上景雲二年御書西北向

金石  
圖

此唐睿宗御書也觀久毀鐘移西安府臬署西鐘樓上恐搨印者下窺官舍往往禁不令搨近令搨工以

蕭蔽樓東一面而以草塞其內，蘊裹於外，方能得之。其難如此，而其書又沉鬱古奧，爲東坡之祖，洵可寶也。睿宗書不多見，見者唯孔子廟堂碑、額、順陵碑文及此銘耳。順陵碑與廟堂額係僞周朝爲相王時篆，此則卽位後書，微禠隸體，古奧有致，當與比干銅盤、焦山鼎銘共寶矣。

鐵函齋書跋

今在西安府城迎祥觀序，銘共二百九十二字，大徑寸許，鐘甚鉅，厚七寸餘，搨之稍輕，則不聞聲，舁臍云必塞其內，空方可搨之，蓋出於傳聞，未嘗目覩也。景龍觀創自中宗，睿宗鑄鐘作銘，開元時曰迎老子玉

像改今名樓築於層臺之上爲城中偉觀石墨鐫華金石文字記俱云在西安府鐘樓上誤鐘樓在朱雀街之中非迎祥觀鐘樓也

雍州金石記

按鐘銘本在景龍觀銘文可据曝書亭集以爲景雲觀在修業坊見宋次道長安志今檢長安志並無修業坊惟朱雀街東第二街北務本坊南街之北有先天觀景龍三年韋庶人立爲翊聖女冠觀景雲元年改景雲觀天寶八載改爲龍興道士觀至德三載改先天觀不知卽竹垞所稱之景雲觀否也又檢長安志崇仁坊西南隅有元真觀半以

東本尚書左僕射申國公高士廉宅西北隅本左  
金吾衛神龍元年併爲長寧公主第東有山池別  
院卽舊東陽公主亭子韋庶人敗公主隨夫爲外  
官遂奏請爲景龍觀仍以中宗年號爲名天寶十  
二載改爲元真觀然不載有睿宗書銘鑄鐘之事  
則非卽此景龍觀明矣雍州金石記云今在西安  
府城迎祥觀此語差可據然尚是未移臬署以前  
之語也陝西通志載迎祥觀在西安府城內廣濟  
街東迎祥觀卽景龍觀也創自唐景龍二年按蘇  
靈芝書老君應現碑開元二十九年元宗夢見老

君曰吾乃汝遠祖有像在京城西南百餘里汝遣人求之吾合與汝於興慶相見覺而異之卽命尙書張九齡道士蕭元裕尋訪於盤屋聞仙峪果得老君玉像高三尺餘以進其日元宗在興慶宮遂親迎謁置於殿內次日送景龍觀大同殿安置瞻仰與夢中所見無異卽改景龍爲迎祥觀今鐘樓爲懸鐘所睿宗景雲鐘銘刻其上此則是景龍觀鐘銘之所在也然長安志何以不載迎祥觀所未詳矣唐書方技葉法善傳睿宗卽位法善有冥助力先天二年拜鴻臚卿封越國公止于京師景龍

觀蓋鑄鐘時尚是景龍觀初建鐘成而觀亦竣工  
于是葉法善以先天二年止居是觀也睿宗得位  
出于法善冥助然則建景龍觀睿宗亦爲法善地  
也銘序云命彼鼓延鑄斯無射爲九月之律蓋預  
定以九月鑄成也云辛亥金癸酉金丁亥土納音  
辛亥釵釧金癸酉劍鋒金丁亥屋上土唐人造作  
多有以年月日干支用納音書入金石者想亦當  
時所尚未必有所取義也文內節昏明之候之字  
作𠂔不見他碑此鐘今在臬署之右和在西安官  
臬司三年暇輒過而觀之然工人椎搗多用硃而



不用墨與揚他處鐘款者異

涼州衛大雲寺碑

碑高七尺三寸七分廣三尺三寸三分二十六行行五十八字正書篆額

涼州衛大雲寺古剎功德碑

前頡修文閣學士劉秀撰

朝行郎涼州神烏縣主簿譙郡夏侯湛篆額

夫無爲者靜而常樂夫物者成而不有是知冥權弗恃  
彌綸大悲可主方便異三界之中汲引四生靈宣八政  
非八萬四千無以開其妙門之路三十七品宏其淨土  
之衢者也大雲寺者晉涼州牧張天錫昇平之年所置

也本名宏藏寺後改爲大雲因

則天大聖皇妃臨

朝之日創諸州各置大雲隨改號爲天賜庵其地接四  
郡境控三邊衝要俯蒼松而環城珍白蘭而作鎮揆日  
影占星表三時說法已布金沙四柱成臺遠分瓊瑤當  
陽有花樓重閣院有三門迴廊依寶林而秀出干瑤光  
而直上洵人天之福地爲善信所皈依也時有明牧右  
武將軍右御史中丞內供奉持節西河諸君節度大使  
赤水軍大使九姓大使監秦涼州倉庫使檢校涼州都  
督河內司馬名逸實晉南陽王模十三代系也英瑋明  
允特達聰亮負經濟之偉才屬會昌之鴻運學綜羣玉

文擅擲金撫俗安邊式昭神武加以宿植善因深究羣  
理按部餘暇虔誠淨土重興般若之臺廣塑真如之像  
兼水軍副使右衛將軍陳宗北左金吾衛翊府中郎將  
安忠敬軍長史萬微軍司馬王休祥神烏縣令胡宗輔  
並門承詩禮世襲箕裘席工文墨兼悟兵機深達般若  
樂脩檀行乃愆恩司馬等僉議裝嚴於北面化十善十  
惡四面行廊則兵爲喜捨樹檀那之副明曠劫之因於  
室中面畫淨土變面西化地獄盡高僧變並刊傳贊院  
山門內各畫神王二東西兩門各畫金剛其後地獄變  
中觀音菩薩二地藏一齊空放光久而不滅花樓院有

七層木浮圖卽張氏建寺之日造高一百八十尺層列  
周圍二十八間面列四戶八憲一一相似屋巍巍以崇  
立殿赫赫以宏敞擬瑤臺之懸居狀層城之始構年代  
綿遠其下層微有凋落欲加繕補人力未就俄而東西  
三閒忽然摧倒因掘舊基得古錢一甕以助工後司馬  
公復興軍州共爲營構揔剔四面更敞重檐於南禪院  
迴廊盡付法藏羅漢聖僧變摩騰法東萊變七女變北  
禪院畫三界圖九相觀音福比丘翻譯經典有造經房  
一所梓匠呈材河宗獻寶資銑以三品訪丹於九區抵  
鵠無遺場蛇咸錄郢人運成風之巧晉臣洒翰墨之輝

雲聯梵殿烟凝珍館目屬寶坊儼焉相對雕甍鏤角全  
鳳槃龍刊名模金分身畱影地土聿廣樓閣相連變現  
無方感通隨念至若須彌地主虛宮梵王是名菩薩月  
光童子如請說經猶言護法內控六賊外伏四魔皈依  
祖師同申戒律心悟一乘行開正果道存八方靈施濟  
度爲現在楷梯乃將來龜鏡寺主雪獻法師俗姓安氏  
姑臧人驃騎大將軍安公子孫高蓋駟馬平生不屑宴  
坐經行深心自悟應該四攝言絕二邊營事伽藍備盡  
精力所有營構悉稟規模上座證淨法師俗姓王氏太  
原人高邁非常晚近無等採尚遠情利益維那元證法

師崇隸前上座守廉等並志誠明瞻風神踈朗共圖經  
始大願成就加以崇卑園林列時花果琪樹爭妍瑈臺  
森列傾重香山名高盤園法城之侶朝夕來遊行李之  
徒瞻仰不輟誠西極之慈航而五涼之勝事也況乎義  
冠人天福禪中外萬禩無疆千秋莫朽爰記其事兼讚  
以偈

迷聽人代博求古今至宮不宰法乳無音罕通惠樹直  
敬稠林何以出音惟聞覺地出俗云何證在煩惱修持  
奚故達在生老利物非連古今未早無去無來曰法曰  
道雖在管喻言說皆空雖在圖像無有是同跡權混實

理契咸通智周惟理匪我求家教法兆基仰藍土地梵  
宇宮殿經臺樓閣寶鎮垂蘇璇題流鐸光陰盛耀烟霞  
忽霍三休槩日千尋倒影花散梅樑蓮披藻井鵝鴨不  
及元態自逞超士伏歷王人摩頂旣安靈館式紹禪關  
頓漸成學廣施積善道彌有路義總無餘一超色相求  
教居諸

大唐景雲二年

按碑題前頡脩文閣學士劉秀撰前頡二字未詳  
朝行郎涼州神烏縣主簿譙郡夏侯湛象頡而不  
列書碑銜名夏侯湛又不云并書亦莫曉也唐書

百官志無朝行郎之階神烏縣屬涼州武威郡武德三年置總章元年改曰武威神龍元年復故名夏侯湛官主簿在神烏復故之後七年也百官志下縣主簿從九品上階曰文林郎神烏是下縣則主簿當是文林郎不知碑何以作朝行也文云則天大聖皇妃臨朝之日創諸州各置大雲武后于長安五年正月中宗復位上后號曰則天大聖皇帝碑何以稱皇妃也新唐書武后紀天授元年七月頒大雲經于天下長安志懷遠坊東南隅大雲經寺武太后初此寺沙門宣政進大雲經經中有



女主之符因改爲大雲經寺遂令天下每州置一大雲經寺涼州之有大雲始于此也文云大雲寺者晉涼州牧張天錫昇平之年所置也本名宏藏寺晉書張天錫附張軌傳云是大都督大將軍校尉涼州牧西平公元靚之叔興寧元年天錫入禁門潛害元靚國人立天錫亦號大將軍校尉涼州牧西平公若升平在興寧之前其時天錫尚未爲涼州牧蓋年遠誤記也又云司馬逸實晉南陽王模十三代系也晉書宗室傳南陽王模乃高密文獻王泰之子略略之弟卽模也字元表少好學與

元帝及范陽王虓俱有稱于宗室初封平昌公累  
遷鎮東大將軍鎮許昌進爵南陽王事在永興初  
年下逮開元初歷四百餘年宜乎司馬逸爲十三  
代糸也碑係重刻如諸軍作君畫付作盡東來作  
萊雕薨作薨皆譌字則恐前預朝行及不列書人  
亦皆脫誤也

郭思訓墓志

石高二尺一寸五分廣二尺八分二十五行  
行行二十七字正書在洛陽史家灣王宅

唐故孝子朝議郎行大理司直上柱國郭府君墓誌銘

并序

公諱思訓字逸太原平陽人也昔姬文作周運璿璣而  
一宇宙號叔命氏錫介珪而列山河鬱爲國師燕臺竭  
起誕降人母金穴橫開廿緒蟬聯公侯克復 曾

祖興周上黨郡守平東將軍青綬登朝朱旗絳野執霜  
戈而問罪方薤水而澄心 祖則隨淮陵郡守度

支郎銀青光祿大夫口金貂而伏奏鳬鳥將飛齊亂繩  
以臨人牛刀自解 父敬同徙居洛陽今爲洛陽人

也幽素舉及第以孝不仕弄鳥承顏恥毛生之捧檄懸  
雞就養式茅容之致口不屈道而期榮穆真風而自逸  
公軋網之精融密泉潔學以天授言以行成襲門緒解

揭睦州建德縣主簿應吏職清白舉及第轉滄州樂陵  
縣丞南郡地狹屈仇香而佐時六安路遙坐桓譚而不  
樂  
勅除溫王府兵曹叅軍事轉太子典膳監英  
容映水攀桂樹而逢仙蓮蒲口口坐搖山而和鼎應孝  
悌廉讓舉及第  
勅授大理司直灼口口方聞乎

其正哀敬折獄對霜練而論刑上帝弗獨泣丹毫而書  
罪彼蒼不吊殲我良圖以景雲二年九月十三日寢疾  
終於長安醴泉里之私第公孝友溫恭文行忠信哀昊  
天之凶極式間巷以光時蔭棠棣而聚星肅閭門之有  
禮奄棄於代與善何徵辭北寺之榮班蒨車長詔望東

周之故里旅櫬空歸夫人清河張氏平陽柴氏並穠華  
質春輕雲蔽月結縭作儷乘旭鴈而移天采蘋是羞應  
鵲集而主饋昔時南斗兩劔分輝今日西階雙魂共穴  
以景雲二年歲次辛亥十二月辛丑朔十五日乙卯遷  
合于洛陽北部鄉之原陪葬 先塋之壬地禮也青  
烏卜地白鶴標墳桂酒口荷無復平生之賞佳城總帳  
空餘冥漠之悲嗣子審之弟雍州武功縣尉思謨口攀  
號擗踴瀝泣摧心長懷陟岵之哀永結在原之思嗚呼  
哀哉迺爲銘曰

榮寂之緒果代重昌其人如玉邦家有光道全忠孝德

裕巖邱士林蕭索人之云亡寒郊憐兮山門險松局閉  
兮宿草荒

碑云弟雍州武功縣尉思謨思謨亦有墓志兄弟俱  
應孝弟廉讓舉可想見其家風之美云遷合于洛陽  
北部鄉之原陪葬先塋之壬地予覽方志此墓漏畧  
而二郭孝行人物亦不載因表出之

中州金石記

右孝子郭思訓墓誌無撰書人姓名思訓始應吏職  
清白舉及第再應孝悌廉讓舉及第攷唐制諸州歲  
舉孝廉蓋卽碑所云孝悌廉讓舉也吏職清白舉則  
馬端臨所述唐制科名目未之及焉

潛研堂金石文跋尾

王璪石浮屠銘

石高廣俱二尺九寸共二十一行  
行十八字至二十字不等行書

石浮屠銘并序

上騎都尉竇思道書

此浮屠者唐中興七年歲次辛亥夏口月八日宣義郎  
守幽州都督府法曹參軍上輕車都尉貝州王璪上爲  
聖唐皇帝下爲法界蒼生次逮七葉先亡俯口見存  
眷屬之所建也究夫溺川思拯必口口梅之功火宅懷  
離載俟牛車之力矧乎迦維聖濟非視聽所口口口賢  
劫乃慈悲之理璪以頑蔽口事口隅左右口口幸加非

各誓意輸歸妙造疎□□□□□□□□彼岸矣豈  
非丈夫潛施雄□□□□□□□靈焉□戾是故乃□捨  
衣命構□□□□石□□巖祇□寶樹基□界則獨茫  
增□□□□□□□黃陂萬頃却臨雲嶠翠峯千重信  
□□□□乃昇龍之別業者也庶夫瀛桑百變□□□  
□在我此功與天亡極銘曰

倏哉傑聖□德有□□我嬰枉惠予殷仁得免時瘵實  
賴慈□□□□□運此名斤爵離崛起鳳跼天辰諸劫  
有□□□□□

景雲三年歲次辛亥夏四月八日建



金石錄卷之二十九  
上柱國丁處約銘文

賈泰山

田義起石浮圖頌

碑高二尺八寸七分廣二尺八寸共二十二行行十九字至二十二字不等行書

大居易州石亭府左果毅都尉荊縣田義起石浮圖頌  
和州歷陽丞王利貞文

詳夫釋氏大慈能仁廣運一揮惠劍則結嶽峯摧整駕  
寶船則流海波息若迺豐牛步坦香鳥登津福祉風昭  
解行先備非功德修淨其有與於此乎浮圖主石亭府  
果毅田公者孝乎惟孝忠爲令德秉武腰文遊仁踐義  
富潤石室貨積銅山保性里閑榮足知止尊崇法門福

求無上奉爲七代先亡見存太夫人合家大小敬造石  
浮圖七級釋迦像二菩薩神王等一鋪尔其索寶幽谷  
獲響崇巖異濟北之神期匪河西之馬瑞欸焉構迴不  
日而成狀雀離之從天猶多寶之湧地虬簷霧舉寶鐸  
風吟眸容如在神儀儼若昃朝日以舒鑒燦幽霄以放  
光伏願冥資先霑七代爰以昭祜慶及見存與惠日而  
長懸同定水之無竭贊歎功德而述頌云

惟佛與佛法所皆空能仁富智廣度多功有清信士產  
積豐崇植波羅密琬響雕鑿輪高擢露鐸迴吟風眸穆  
如在與天地終福霑一切於何不隆

太極元年四月八日建

弟燕州大雲寺僧智崇 妹明度寺尼護念

弟義冲陪戎副尉上柱國

弟義隆昭武校尉上柱國雍州興國府右果毅都尉  
合家供養

右碑題大唐易州石亭府左果毅都尉薊縣田義起  
石浮圖頌太極元年四月八日建爲文者歷陽永王  
利貞也考唐書地理志易州軍府有古亭無石亭蓋  
字相涉而誤爾府兵之制唐中葉已廢地理志所載  
諸府名已不能詳雍州置府百三十一志止得其十

一餘皆逸之此碑末載義起弟義冲雍州興國府右果毅都尉於是又知有興國府之名故史家不可以不博聞也碑以薊爲薊亦異文

潛研堂金石文跋尾

### 史公石像銘

石刻銘處橫廣一尺二寸四分高七尺共十五行行十三字正書

### 唐故將軍柱國史公石像銘

口從戎旅竭鯁忠誠居家有理理之風在職著勤勤之德屬西蕃獻屢入和親遂建鴻勳名芳麟閣自謂年逾耳順未闕泉扃痛深巾札之情悲愴克諧之道今罄盡家資爲造功德伏惟幽途所感昭察志心光其不朽之

名以表芳猷之勩嗚呼哀哉乃爲銘曰

日轉星迴暑往寒來陵夷海變功立人摧痛悲總悵哀  
結夜臺千秋方萬歲厥德方隆該

延和元年歲次壬子七月戊辰朔十日壬午夫人

襄邑縣口口氏建

### 邛州刺史狄公碑

碑僅存上截連額高六尺七寸廣四尺  
七寸三十一行字數無考正書篆額

大唐贈使持節邛州諸軍事邛州刺史狄公之碑

并序

君子進德修業以佐時哲后求賢審官以成務有才無

命賈問服於長沙口

下程昱既卒雖增車騎之榮劉毅

云亡徒表直臣之禮口而追贈何補衣章口

下后稷克

播靈苗承積德之鴻休藉基王之茂緒周封孝伯因受

氏於狄城孔

下

代龍馬浮江九州幅裂四溟版蕩樂平

公出將入相豹變於秦庭口口口口

下

虎賁屈潘岳之

才坐悲秋興曾祖叔湛魏平西將軍口邑子齊口口口

口口

下

專征懷庸蜀建旆作牧首登循吏之科開國

承家俯入功臣之口口口口

下

緒唐行軍總管大將軍

金紫光祿大夫尚書左丞使持節汴州諸軍事口口

下

傅長虞嚴持左轄八座澄清蔣子通常侍乘輿萬機宏

益六條出守鎮梁口

下

臨穎公之第五子也龍章鳳姿

地靈天縱神情秀發則白日雲□□□□

下黃絹之詞

敬業樂羣早茂青襟之譽起家以國子明經擢第補東

宮內直口

下州

司兵叅軍兼鄭王府兵曹叅軍漢川南

紀總錄衆曹鄭口東門職司鍵閉

下封

降彼親賢守茲

陘隘大開藩邸博訪英髦口授口口梁州都督府錄事

叅

下

坐君不與焉豈惟魯國憫親每慙田叔汝南人吏

常畏范滂而已乎俄除越

下州

鄭縣令竹箭長瀾浸于

關輔蓮花峻岳鎮若都畿口恕之理宏農雅聞惠

下周

景之題輿御王祥之別乘屈汝穎之高節口理譙都振

海沂之康歌表清

下

之寇盜更相劫掠久患兼并爲官

擇人非君莫可卽除夔州都督府長史口下沸鼎而游

魚知懼招集亡散戶口口增敦勸農棄京坻歲積餘糧

口口口口下朝廷籍甚聖書優洽坐望公車佇登

廊廟豈口祇延二豎夢奠兩楹口下郡吏口攀更甚莊

遵之死口口口魏文之錄舊孝周禮之易名贈使持

節下鳳皇子飛生享從夫之秩蛟龍既沒死偕同穴之

榮初封太谷縣君追贈口下而好學有黃童之後逸世

号無雙有顏子之庶幾共推知什容口端肅識口下欲

弼諧口道口亮天工作神化之丹青爲聖朝之

元凱豈知口隨有下死贈嫡子故口書令尚書右僕射



贈司空梁國文惠公明謨光於

帝下宅地以爲

崗巒起伏雖封白玉之棺陵谷遷移須勒黃金之碣顏

齡溘謝敬

下性之酷惟孝將成父之志見何口之羸毀

孰不哀憐頌陳寔之口猷吾無愧

下

上實知禮義存載籍口爲巨儒志在宏益其秦推樂平

魏得安成伏波曜武臨

下年短折散騎常侍匡時杖節

武帳前鋒文口左轄戡濟寓縣肅清朝列盛德

下總錄

望重諸曹非君作宰誰與操刀其刺本吳縣鄭稱京輔

銅墨外臨口絃

下岷波万勢剌割載穆康歌青江頌漾

赤甲嵯峨賓渝始附寇盜仍多微我君

下來集卧龍不

起一歎頽山長悲閔水其恩覃死贈禮口哀榮冥冥口

穴昭彰

下錄

右邛州刺史狄公碑諸家未有發明文中有助子  
故中書令尚書右僕射贈司空梁國文惠知爲仁  
傑之父無疑梁公一代偉人而新唐書已不能譜  
其世系碑又復斷闕不全邛州君之名已亡可見  
者曾祖叔湛魏平西將軍口邑子又曰緒唐行軍  
總管大將軍金紫光祿大夫尚書左丞使持節汴  
州諸軍事又曰臨頽公之第五子也起家以國子  
明經擢第補東宮內直口州司兵叅軍兼鄭王府

兵曹叅軍梁州都督府錄事叅軍俄除越州剡縣  
令華州鄭縣令又除夔州都督府長史卒贈使持  
節邛州諸軍事邛州刺史舊唐書狄仁傑傳載祖  
孝緒貞觀中尙書左丞父知遜夔州長史而不載  
叔湛宰相世系表則云狄氏爲孔子弟子狄黑裔  
孫漢博士山世居天水後秦樂平侯伯支裔孫恭  
居太原生湛東魏帳內正都督臨邑子孫孝緒此  
碑云叔湛表脫叔字而碑于邑子上泐一字乃臨  
字也惟叔湛歷官表與碑不同叔湛孫孝緒碑尙  
存緒字泐其上一字乃孝字也仁傑傳稱孝緒爲

祖知遜爲父則孝緒爲知遜之父此碑所稱邛州刺史卽知遜也据碑邛州刺史是贈官夔州長史是最後歷官仁傑傳蓋略其贈官也然世系表稱知遜爲越州刺史据碑當除越州剡縣令並未爲刺史則表誤矣碑云爲臨潁公之第五子臨潁卽謂孝緒表稱孝緒官尚書左丞封臨潁男也碑所叙叔湛以下及知遜稽之魏書北史兩唐書皆無傳仁傑傳稱仁傑孝友絕人間立本薦授并州都督府法曹其親在河陽別業仁傑赴并州登太行山南望見白雲孤飛謂左右曰吾親所居在此雲

下瞻望停立久之雲移乃行其親卽謂知遜也此碑缺泐其居河陽別業事不可得見矣然猶賴有此碑可以略見其父之事蹟宋時狄襄武不欲自附梁公後則似狄氏譜牒宋初猶存歐宋撰唐書槩置不錄并剽史傳所載盡刪之何也又據杜工部詩集有寄狄明府博濟詩朱鶴齡注云當是大歷二年夔州作詩有云梁公會孫我姨弟不見十年官濟濟大賢之後竟陵遲浩蕩古今同一體比看伯叔四十人有才無命百寮底今者兄弟一百人幾人卓絕秉周禮然則梁公之孫有四十人曾

孫且百人其子當不止三人而世系表所載梁公之子僅光嗣光遠光昭孫且缺而不書曾孫只博通一人此下惟元孫元範一人餘俱不載是狄氏之譜牒在唐時已多缺略矣此碑無立石年月傳稱仁傑中宗返正追贈司空睿宗追封梁國公碑已有嫡子司空梁國之語是當立於睿宗時玩銘序之末有惟孝將成父之志云云是梁公卒後其子體梁公之志追立此碑也梁公子三人碑所稱惟孝者不知是何人矣

金石萃編卷六十九終